

附宋僧元淨外傳卷目

卷上

於潛出家之所

杭州曾經住持之所

流寓

教祖

本師

禪友

龍井見聞錄

元淨外傳卷目

弟子

繼起之僧

龍井法嗣

上天竺法嗣

卷下

眞贊

東坡集尺牘

道俗依仰



辯博

誦咒祛邪

書拒左道

緣契

問答

寄題龍井題名

元淨詩

著文

龍井見聞錄

元淨外傳卷目

二

塔銘未刻石

復書龍井題名後

題名書後不入石

蘇軾乞塔銘

蘇軾致茶果

蘇軾紀夢

遺像

郡紳平塔



龍井得歛硯

手植山茶

嶺塢皆名蘇子

龍井見聞錄

元淨外傳卷目

三



附宋僧元淨外傳

臣汪孟錡恭纂

卷上

於潛出家之所

於潛縣西菩山明智寺

咸淳臨安志明智寺在縣西十八里波亭鄉初山之西有光亘天現菩薩像僧道志立茅廬其下元祐間因建佛殿遂名西菩寺治平二年改今額熙

龍井見聞錄

元淨外傳卷上

一

寧七年八月蘇文忠公同毛君寶方君武訪參寥辯才遂留西菩山留題建炎間重修秦少游之子湛爲記有清涼池明月池雙峯堂滌軒賢秀軒西資閣見山亭又秦湛寺記畧云於潛之西菩有光屬天現菩薩像其時僧道志茅廬其下遂聚邑人之錢而廟佛焉號西菩寺實唐天祐中也本朝改曰明智今謂其山猶曰西菩辯才旣從此山行道吳越山中之徒思踵其武踴躍精進云云明智以



有道者之故棲學佛者望之如仲尼之徒於闕里其氣象景物又蓋境內自於潛十有三里至山之麓未及之五里上松旁澗與道委蛇仰可以蔭俯可以鑑循環曲折乃得平直兩峯屹然如立長人如獲居迎來五老九華未易伯仲泉湧西巖之地盛暑常寒筒引錯落遍於百室是以居者忘出遊者忘歸云云自有此寺已數百年土殞木壞風雨入室像設不嚴威儀不成雙峯旣歸未嘗有求邑

龍井見聞錄

元淨外傳卷上

二

之富於力者相率施所有寺爲之一新云云余先人與辯才善余兒時先人對辯才語必令旁侍其高世之論至今能記一一而辯才物故前先人十年今龍井天竺間雲容山色或誨人愁其能念先人乎余每見來自吳越者未嘗不問辯才門人何如故聞雙峯之名久矣杜門錫山之下一旦蒼頭告余曰門有道人吳語而文亟出見之乃常樂性禪師也謂明智重葺欲余爲記且曰先太史常爲



辯才記龍井今記明智非子可乎余不敢辭雖然  
雞鳳異調大方之家豈不笑我

謹案秦觀爲元淨作龍井記而其子又爲常樂  
作明智記亦宗門嘉話也咸淳臨安志載記文  
本係節錄今從之又釋居簡有西菩造五鳳樓  
疏註云辯才參寥受業寺則參寥亦出家西菩  
矣蘇軾有遊西菩寺詩王註於潛圖經毛君寶  
同尉方君武與東坡於熙寧七年八月廿七日  
同遊西菩山明智院石刻存焉

杭州曾經住持之所

上天竺靈感觀音院

龍井見聞錄

元淨外傳卷上

三

咸淳臨安志嘉祐末守沈禮部文通以爲天竺起  
於司馬晉時逾七百載而觀音發迹西峯甫及百  
年遂分爲二所謂上天竺也大士以聲音爲佛事  
非禪那所居卽謝去住持智月以辯才法師元淨  
爲其主仍請於朝以教易禪賜名靈感觀音院時  
曾魯公公亮爲相實獎其事旣而蔡端明襄出守  
魯公以錢十萬爲扁委蔡公爲書之蓋魯公慶歷  
間道杭同行僧元達至天竺瞻禮途中見衣素婦



人謂達曰上座同會舍人來耶舍人五十七入中  
書語訖無所見已而如其言事具石刻元淨乃益  
鑿山闢地增廣殿宇魯公又以經五千二百三十  
卷遺元淨西廡爲藏

又肅儀亭辯才建蔡襄名

謹案蔡襄名者爲肅儀上天竺山志云郡守蔡襄有銘不存蓋誤以名爲銘

上天竺山志山門橋在上竺山門外中竺天正殿  
前橋右宋時辯才重建雪坡亭東坡訪辯才法師

龍井見聞錄

元淨外傳卷上

四

適雪霽構亭厓下以紀其勝夜講臺治平中辯才  
淨法師演說無倦嘗謂鬼神少威德則不敢隨衆  
晝聽乃爲夜分講經故名莫考厥初至辯才更建  
又李綱上天竺天台教寺十六觀堂碑曰辯才淨  
法師於嘉祐熙寧間兩住本山兼統禪講二教律  
三宗賜詩褒美東宮復書歸隱之額聽其退居興  
福

謹案碑文千言然不載李綱梁谿集賜詩書額  
惜他無可証所謂歸隱豈卽歸隱橋之謂耶興



福疑廣福字誤

陳善杭州府志治平中元淨益鑿前山闢地二十有五尋殿皆重檐

大悲寶閣院

見蘇轍辯才碑詳卷八

下天竺

佛祖通載元豐三年謝去天竺居龍井六年居南屏明年復歸龍井時靈山虛席師以慈雲師祖道龍井見聞錄元淨外傳卷上五

龍井見聞錄

元淨外傳卷上

五

南屏興教寺

見楊傑院記詳卷二

謹案楊記初住錢塘法惠院之寶閣蓋卽大悲寶閣院而咸淳臨安志不載法慧大悲寶閣二院名案淮海集有法慧院記東坡集有法慧院詩正此院也據佛祖通載又知元淨之住下竺最淺云

流寓



秀州真如寺

佛祖通載杭守祖無擇坐獄樵李師以鑄鐘例被  
追辯幸得釋寓止真如蘭若

教祖

天台智者大師

姚鉉唐文粹梁肅天台智者大師碑天台山西隅一山曰佛隴蓋智者大

師得道之所長老比丘然公光昭大師之遺訓  
以啟後學門人安定梁肅聞上易名銘勒大師之  
遺烈以示後世云大師名智顛字德安時號智者  
其先穎川陳氏世居荊州之華容感緣應蹟載在  
別傳昔如來乘一大事因緣菩薩以普門示現自  
華嚴肇開至雙林高會無小無大同歸佛界及大

龍井見聞錄

元淨外傳卷上

六

雄示滅學路別派世既下衰教亦陵遲故龍樹大  
士病之乃用權畧制諸外道乃詮智度發明宗極  
微言東流我惠文禪師得之由文字中入不二法  
門以授南嶽思大師當時教尚簡密不能廣被而  
空有諸宗扇惑方夏及大師受之於是開止觀法  
門其教大畧即身心而指定慧即言說而詮解脫  
緣離化城示滅茲山是歲隋開皇十七年也得深  
心者三十有二人纂其言行於後世者曰章安禪  
師灌頂頂傳縉雲威禪師威傳東陽東陽縉雲同  
號時謂小威威傳左谿朗禪師自縉雲至左谿以  
元珠相付向晦宴息而已左谿門人之上首今湛  
然禪師行高識遠超悟辯達凡祖師之教在章句  
者必引而伸之後來資之以崇德辨惑不可悉數

見蘇轍辯才碑辯才曰吾祖智者聖人也詳卷八



又見海月碑銘詳卷下

釋氏稽古畧天聖四年始詔天台教師入大藏流  
行天竺僧思悟焚身日觀庵前用報佛恩

學士集天竺圓照若公塔銘天台一宗自法智尊  
者之後分爲廣智神照南屏三家而南屏最盛

謹案肅又有天台法門議止觀統例各一篇載  
唐文粹上天竺山志亦列教觀一門知天竺住  
持概宗天台智者蘇轍碑稱元淨因講摩訶止  
觀悟道是也又傳燈指月等書俱稱智者爲應  
化聖賢故曰聖人

龍井見聞錄

元淨外傳卷上

七

本師

法雨

見蘇轍辯才碑詳卷八

遵式 咸淳臨安志遵式本姓葉字知白其母始乞靈  
於觀音遂生法師學行孤高博習教觀因苦學  
嘔血兩足皮裂師願力堅固以著懺儀行世號慈  
雲懺主天聖中滅度弟子百餘人學徒千數崇  
寧二年賜號慧通天台教觀益盛於吳越者實師  
之力侍郎王古述其行事紹興三十年旨賜號曰  
懺主禪慧大法師塔名瑞光

見蘇轍辯才碑詳卷八



西湖高僧事畧師台州寧海人母夢嚙明珠而生  
出家於東掖山傳天台教於寶雲通未幾繼其席  
祥符八年刺史薛公請居靈山天竺寺王文穆出  
守重師之道奏復天竺名尋賜慈雲號依經撰集  
諸懺法盛行於世常行三昧以九十日爲期感應  
非一凡爲法祈禱必燃指惟存三焉天聖九年歸  
東嶺草堂明年示寂累謚法寶禪慧淳祐八年其  
徒明禪禱晴獲應加謚聖應淳祐十一年復應加

龍井見聞錄

元淨外傳卷上

八

謚正覺

咸淳臨安志下竺靈山教寺理宗宸翰八其五曰  
瑞光之塔曰靈應大法師曰靈應正覺大法師曰  
靈應正覺廣濟大法師曰靈應正覺廣濟普照大  
法師

謹案此皆慈雲身後賜額

又有慈雲禪師真贊及行業記

又胡宿下竺寺記祥符中州人聯牒叢叩府下請



大士遵式領其衆演天台教觀式公辯博明解遠  
近向慕智者之學自是益振天禧初文穆王冀公  
臨州一見加禮爲奏復天竺舊額遄承可報冀公  
親題其榜筆力殊勁且有敕旨許作十方講院主  
持還朝又表其高行賜號慈雲仍施錢萬緡爲營  
佛殿侍郎胡公繼典是郡又捐已俸於是哀合衆  
施凡百十餘區又造旃檀觀音像置三昧堂中慈  
相穆如智者之遺法也初寺有檜枯至是柯葉復  
茂衆目之曰重榮檜乃蘭若中興之兆  
又強至寺記王冀公呼主藏者取緡若百萬俾新

殿宇

謹案咸淳臨安志師諡靈應則西湖高僧事畧  
以爲聖應非也然正覺之後又加廣濟普照亦  
失之又佛祖通載敘孤山圓智法師事有云王  
欽若出使錢塘慈雲遣使邀圓同迂之圓笑謂  
使曰錢塘境上且駐卻一僧林逋和靖集有送  
慈雲師謁王相國詩

祖韶

見蘇轍辯才碑詳卷八



咸淳臨安志胡宿寺記慈雲告老庵於東嶺傳寺  
事於明智大師祖韶韶公亦宿植德本密資覺力  
延棲海衆宴坐道場二紀有餘百事無曠

又強至寺記慈雲夏臘高樂退巖屋傳其事於門  
人高弟明智祖韶孤標獨行克遵師業建教藏院  
以聚本經禮也建延壽院以養病孤仁也建冀公  
祠宇不忘外護義也建慈雲真堂不忘先稟孝也  
是四善皆釋子之難能者而明智兼有焉明道歲

龍井見聞錄

元淨外傳卷上

十

王人左藏黃副使元吉將命過杭得師歡甚因還  
侍上懇求御書願賜爲叢林榮皇祐改元始賜飛  
白字凡六軸

謹案二記皆爲祖韶作遵式祖韶俱未住上竺  
晁公遡嵩山居士集有明智法師碑姓陳氏名  
中立明州鄞人常折高麗僧談辯此又一明智  
也

禪友

道潛 咸淳臨安志道潛於潛浮谿村人本姓何字參  
寥幼不茹葷以童子誦法華經度爲比邱於內  
外典無所不窺能文章尤喜爲詩嘗賦臨平絕句  
蘇軾爲寫而刻諸石軾守錢塘卜智果精舍居之



軾南遷道潛欲轉海望之軾以書戒止嘗路亦捃其詩語謂有譏刺得罪返初服建中靖國初曾肇言其非辜詔復祝髮崇寧末歸老西湖其法孫穎刊其詩集行世又道潛嘗賜號妙總大師墨莊漫錄本名曇潛子瞻改曰道潛

謹案續文獻通考道潛在詩僧列又十國春秋吳越時別有一道潛

了元 陳善杭州府志佛印浮梁縣人名了元字覺老俗姓林性穎異襁褓不茹葷三歲記詩三千餘篇稍長從師通經義因讀釋書恍然有悟遂從釋神宗賜號佛印

謹案咸淳臨安志不載了元

惠辯 蘇轍海月塔碑名惠辯字訥翁姓富氏從韶於天竺受天台教習西方觀復事三衢浮石矩法

### 龍井見聞錄

元淨外傳卷上

十一

師韶之將老也命代講續文獻通考海月名惠辯華亭傅氏子生時有異父母令出家入普照寺得法明智遂領寺事遷至杭州都僧正蘇軾倅杭高其行一日合掌坐化遺言須東坡至方合龕四日軾至見其趺坐如生賦三詩焉

參寥子集詩當年吳會有名緇盡是人天大導師  
自註大覺海月辯才

釋氏稽古畧祖韶有二弟子曰慧辯海月曰元淨  
辯才海月華亭人受業普照寺

上天竺山志在別傳



謹案東坡集有海月眞贊樂城集有塔碑詳卷下  
下慧惠傳富字誤大覺亦詳卷下

元素

見蘇轍辯才碑詳卷八

熙仲

見蘇轍辯才碑詳卷八

高麗僧統

釋氏稽古畧高麗國君文宗仁孝王第四子出家名義天

咸淳臨安志惠因寺吳越王建元豐八年高麗國

王子僧統義天入貢因請從淨源法師學賢首教

龍井見聞錄

元淨外傳卷上

十一

詔許之

見楊傑院記詳卷二

弟子

懷楚

達上人

懷益

散老

並詳卷三



雙峯

見咸淳臨安志詳上

繼起之僧

圓照 咸淳臨安志淨慈圓照禪師宗本字無詰本姓管招善本居上座圓照退居善本繼之泊宅編大通乃圓照弟子時稱吳中二本

東坡集書贈惠臻杭州圓照律師志行苦卓教法通洽晝夜行道二十餘年矣無一念須有作相自辯才歸寂道俗皆宗之

龍井見聞錄

元淨外傳卷上

三

謹案蘇軾有淨慈寺謁圓照本禪師詩又書贈惠臻稱善本曰小本禪師

龍井法嗣

聰自聞

見太倉稊米集詳卷三

謹案龍井僧自懷楚四人外系元淨者惟聰自聞一人可考

上天竺法嗣

慧日 上天竺山志東溟名慧日天台赤城人宋丞相賈魏公諸孫拜竹屋元淨於上竺至元元年泣下竺又遷上竺題名碑第四十三代



上天竺山志心安房在雙檜峯麓祖嗣辯才法師  
爲元東溟法師退院至明嘉隆間析爲三曰心大  
心南心外

又宋源梵法師東溟門人

學士集普濟大師東溟日公碑銘所度弟子下竺  
則圓興等十人上竺近二百人而妙思妙本妙修  
爲最先嗣眞法系者則思齊行樞允鑑允忠良謹  
普智文會元琇景梵各闡教於一方繼師任上竺  
龍井見聞錄

元淨外傳卷上

古

者卽妙修也

謹案上天竺山志宋源梵法師疑卽景梵又有  
性源修疑卽妙修

附宋僧元淨外傳卷上